

Հ.ՍԻՄՈՆՅԱՆ, Ի.ԶՈՂԱԲՅԱՆ, Վ.ԽՈԶԱԲԵԿՅԱՆ, Ա.ԱՎԱԳՅԱՆ,
Հ.ԿՈՐԱԳՈՉՅԱՆ, Բ.ՀԱՐՈՒԹՅՈՒՆՅԱՆ, Նախիջևանի հիմնադրամը Մոսկ-
վայի 1921 թվականի մարտի 16-ի պայմանագրում (գիտաժողովի նյութեր), Ե.,
2001, «Նախիջևան» հրատ., 200 էջ:

Խորհրդային Միության լուծարումը բազմաթիվ ու բազմաբնույթ խնդիրների
ստաջ կանգնեցրեց և Հայաստանի Հանրապետությանը, և ամբողջ Հայ ժողովրդին:
Շատ ընդհանրություններում պարզվեց, որ «թագավորը մերկ է», այդ թվում նաև
պատմադիտության նորագույն շրջանի և Հայկական Հարցի տարբեր ոլորտների
ուսումնասիրություններում:

Կոնկրետ դեպքում նկատի ունենք Նախիջևանի պատմության, իրավաքա-
ղաքական կարգավիճակի ու քաղաքական աշխարհագրության լուսաբանության
սուկա վիճակը: Խորհրդահայ պատմաքաղաքական միտքը, կարծես, հաշտվել էր
Հիմնախնդրի խորհրդային-ադրբեջանական Հայեցակարգի հետ: Բանը հասել էր
նրան, որ անտեսելով Մոսկվայի (և Կարսի) դաշնագրում հստակ սահմանված
Նախիջևանի՝ որպես ինքնավարության (պրոտեկտորատ) կարգավիճակը, այն
ընկալվում էր որպես Ադրբեջանական ԽՍՀ անբաժան մասը: Այդ միտումը դեռևս
պահպանում է իր ինտերգիայի ուժը¹:

Ճիշտ է, տարբեր ժամանակներում ստեղծվել էին արժեքավոր մենագրություն-
ներ, ինչպես՝ Բ.Բորյանի «Հայաստանը, միջազգային դիվանագիտությունը և
ԽՍՀՄ-ը» (մաս 2, Մ. - Լ., 1929, ուսանրեն), Շ.Թորիկյանի «Հայկական Հարցը և
միջազգային օրենքը» (Բեյրութ, 1976, անգլ. բարեփոխված հրատ.՝ Բեյրութ, 1988)
մեծարժեք գործերը, սակայն արվածը բավարար չէր, իսկ հիշատակված հեղինակները
Հիմնականում կամ մոռացված էին (Բ.Բորյան) կամ անհայտ՝ խորհրդահայ
մտավորականին²:

Ստեղծված վիճակը հաղթահարելու և հայադիտության ոլորտում մի հիմնա-
րար ու ինքնուրույն ուղղություն ձևավորելու առումով ոգիշնենք է «Նախիջևան»
Հայրենակցական միության ջանքերով ստեղծված ժողովածուն՝ «Նախիջևանի
Հիմնահարցը Մոսկվայի 1921 թվականի մարտի 16-ի ռուս-թուրքական պայ-
մանագրում» (այսուհետև՝ Նախիջևանի Հիմնահարցը)³ փաստաթղթերի արժեքավոր
«Հավելվածով» հանդերձ: Ընդ որում, փաստաթղթերի մի մասը առաջին անգամ է
ներկայացվում ընթերցողին:

Հեղինակային կոլեկտիվը (կազմող՝ Ռ.Համբարձումյան), փորձել է հնարա-
վորինս ամբողջությամբ ընդգրկել Հիմնահարցի տարբեր կողմերը՝ պատմություն ու
պատմադիտական կարևոր փաստերի ճշգրտումներ, Նախիջևանի բնիկ ժողովրդի
արտաքսման քաղաքականության համաթուրքական ենթաշերտի բացահայտում,
դրան ղուլահեռ՝ Հայ կոմունիստների կողմից Հայաստանի ազգային տարածքի
տրամադրում Կովկասի թաթարներին ու նրանց «ներգաղթի» կազմակերպում,

¹ Տե՛ս Հայկական Համառոտ Հանրագիտարան, հ. 3, Ե., 1999, էջ 840 - 842:

² Վերջին տարիներին Նախիջևանյան թեմատիկային են նվիրվել հետևյալ հետազո-
տությունները՝ Մ. Կ. Միրյան, *Нахичеван-перекресток геополитических*
интересов (Голос Армении, 24, VI, 1995); А. С. Манасян, *Кому же*
принадлежит Нахичеван де-юре (Голос Армении, 17, VII, 1996):

Թուրքիայի հովանավորչությունն էթնոգենեզ ապրող ադրբեջանցիներին, ռուս-թուրքական ալյանսի կողմից Նախիջևանի օտարում հօգուտ Ադրբեջանի, Նախիջևանում հայ ժողովրդի՝ հազարամյակների մշակութային շարունակական ներկայության նորանոր ապացույցներ, Պարսկաստանի նախիջևանյան (1918 - 1920թթ.) քաղաքականության նորահայտ էջեր և այլն: Ժողովածուին, անշուշտ, առանձին արժեք են հաղորդում այնտեղ զետեղված քարտեզները, որոնք, ցավոք, գունավոր չլինելու պատճառով դժվար ընկալելի են:

Այսպիսով, քննարկված հարցերի թվարկումն անգամ ցուցադրում է կատարված աշխատանքի հույս օգտակարությունն ու շեշտում այն շարունակական դարձնելու անհրաժեշտությունը: Չէ որ Նախիջևանի հիմնախնդիրը, գիտապատմական, մշակութային կարևորությամբ հանդերձ, Հայկական հարցի մի էական մասն է, ՀՀ ռազմավարական նշանակության կշեռքի ծանրագույն կշռաքարերից մեկը: Նախիջևանն իր ռազմավարական դիրքով և միջազգային իրավաքաղաքական կարգավիճակով ուղեկցելու է, անկախ ենթակայական նախասիրություններից, հայոց շարունակական երթին՝ պատմական հեռանկարի տեսանկյունից:

Ուստի և, ընդգծելով, որ կատարվածն իր արդյունքներով արդեն մեր սեփականությունն է, արծարծված խնդիրների վերաբերյալ արտահայտենք որոշակի նկատառումներ, որից, ինչպես մեզ է թվում, միայն կշահի ընդհանուր գործը:

Եվ այսպես, 1921թ. ռուս-թուրքական «Բարեկամության ու եղբայրության» ակտը իր բոլոր ելևէջներով հնարավոր չէ պատկերացնել ու ըմբռնել, առավել ևս ենթարկել գիտաքաղաքական վերլուծության, առանց բոլշևիզմի երկրառազմավարության (գեոստրատեգիա) իմացության, առանց պատկերացնելու, ինչպես կասեր Ն.Ադունցը, ժամանակաշրջանի «տերիտորիալ իրադրությունը»: Իսկ բոլշևիզմի երկրառազմավարությունը ողջ ցինիզմով հանդերձ, իր բովանդակային ու առարկայական արտացոլումն էր գտել ժողովուրդների «Ռուսաստանի և Արևելքի բոլոր աշխատավոր մահմեդականներին» հայտնի դիմումում (20.XI/3.XII. 1917): Այնտեղ ասված է. «Մենք հայտարարում ենք, որ Թուրքիայի բաժանման ու նրանից Հայաստանի խլման պայմանագիրը պատահույթ է ու ոչնչացված [ընդգծումներն իմն են - Լ.Շ.]»²: Ասված է պարզ, աներկիմաստ, հստակ ու սառնասիրտ: Այս դոկտրինան, անշուշտ, ուներ և իր ռեգիոնալ (տարածաշրջանային)՝ հայաստանյան վեկտորը: Առավել պարզությամբ, Ռուսաստանի ազգային շահերի գիտակցումով, այն բանաձևվել է Ձիչերինի կողմից (ուշադիր եղեք տարեթիվին՝ 5 դեկտեմբերի 1920թ., երբ Հայաստանի ճակատագիրը Թուրքերի հետ արդեն կանխորոշել էին). «Կովկասում Թուրքիայի քաղաքականության զավթողականի վերածվելու դեպքում Հայաստանը դրա դեմ պատմե՞լ կհանդիսանա և կպաշտպանի Մեջ (ընդգծումներն իմն են - Լ.Շ.)»³: Նյութական այս իրադրությունն էր, որ լավ էր հասկացել առաջին հանրապետության ռազմաքաղաքական ղեկավարությունը, երբ դերմարդկային ճիգերով փորձում էր համախմբել ցեղասպանության արհավիրքները վերապրող ժողովրդի սահմանափակ ուժերը՝ առաջնորդելով փետրվարյան ապստամբությունը, կազմակերպելով Ձանգեզուրի հերոսամարտը՝ դուրս պրծնելու համար քեմալաբոլշևիզմյան գրկախառնությունից: Սակայն նյութական նույն իրադրությունն էր, որ ռազմավարական իմաստով, «Հայաստան» ոսկե միջինը գտնելու ոչ մի հնարավորություն չէր թողնում: Պատահական չէ, որ այդ քաղաքականությունը

² Документы внешней политики СССР, т. 3, М., 1957, с. 35.

³ Նախիջևանի հիմնահարցը, էջ 49:

շարունակվեց ընդհուպ գործաչույան տիրաճուճակ «Օղակ» գործողությունը:

Նկատենք, որ «Լենին-ստալինյան» դիմումն ունեւր իր գաղափարաքաղաքական ակունքներն ու նախադրյալները: Դեռեւ 1912թ. սեպտեմբերին իտալա-թուրքական պատերազմի ընթացքում Օսմանյան կայսրության աֆրիկյան տիրապետությունները՝ Լ.Լենինի կողմից Հոգակիցին «թուրքական Հողեր»: Նա իր թրքամետ կողմնորոշումը չփոխեց մինչև գերեզման⁴:

Նարադրվածի Համատեքստում տարօրինակ է պատմական իրողությունը մինչև վերջ ասելուց խուսափելու միտումը: Նկատի ունենք ժողովածուում Նարիմանովի՝ 1921թ. փետրվարին Լենինին գրած ինչ-որ երկու սպառնալից նամակների վկայությունը, որոնք և իբրև թե «կարևոր նշանակություն ունեցան» Նախիջևանի ճակատագիրը կանխորոշելու դրոշմով⁵:

Իսկապես, տարօրինակ է, չէ՞, բոլշևիկյան մի նոմենկլատուրչիկի սպառնալիքները Լենինի վրա ազդեցին, իսկ Հաղթական փետրվարյան ապստամբությունը Հայաստանում՝ ոչ: Ի՞նչեւ, սա կարծես թե Հայ մտավոր շրջանակներում ծածկազրկած մի դիրքորոշում է՝ Առաջին Հանրապետության շրջանի և նրա շուրջ պատմական դուրծնթյան մեկնարանության ընթացքում որոնել ու անընդհատ գտնել Համապատասխան նամակներ ու ռադիոգրեր՝ շատ Հաճախ Հեռու ճեղքակալ իրադրություն»՝ ուղղամարական ընկալման շրջանակներից ու ընդհանուր ուղղամարություն տրամաբանությունից:

Հաջորդ նկատույնը վերաբերում է թուրք-պարսկական սահմանագծի կարգավորմանը կոչված 1932թ. Համաձայնագրի իրական լուսնադարձությունը շոշափող Հարցերին: Խոսքը Փոքր Մասիսի մերձակա շրջանում «Մի ոչ մեծ տարածքի»՝ Կոտուր-Ջաղրոշի սահմանային գոտում գրեթե նույն մեծությամբ Հողաշերտի Հետ փոխանակության դնահատման մասին է: Նախ, նշենք, որ տվյալ փոխանակությունը տեղի չի ունեցել Թուրքիայի խնդրանքով, ինչպես ներկայացվում է ժողովածուում⁶, այլ Համաձայնությունը արդյունք էր 1927թ. Հոկտեմբերի՝ թուրքական վերջնագրի՝ Այնու Հատ, երկրաքաղաքականության տեսանկյունից «մի ոչ մեծ տարածք» կամ «Հողաշերտ» կարող է ունենալ Հակայական ուղղամարական նշանակություն (վերջները Զիրքայթարի օրինակը): Քրդական խնդրի և տվյալ Համաձայնության ստիժով Սիման Վրացյանը արձանագրում է. «Բացի քրդական փտանգից, Թուրքիայի Համար կա և մի ուրիշ կարևոր նկատում. Պարսկաստանի Հետ ունեցած նրա սահմանների Հյուսիսային մասերը բռնում են ուղղամարական այն կետերը, Հաղորդակցության այն ուղիները, որոնք ուղիղ գծով, թուրք մահմեդական գանդավաճների միջով, պարսից և ռուսական Աղբրեջանների վրայով, տանում են դեպի Կասպից ծով ու Անգրկասպյան երկրները»⁷: Նվաճասարակ. «Թե՛ նախկին Համախաղաղական և թե՛ ներկա Համաթուրքական Թուրքիայի Համար պարսկական սահմանադրվի ուղղական որոշ կետերի տիրապետությունը Համարվում էր քաղաքական առաջնակարգ կարևորություն ունեցող մի Հարց»⁸: Հստ էություն, նույն

⁴ Հանգամանորեն տե՛ս А. А. У л у н я н, Комминтерн и геополитика (Балканский рубеж, 1919 – 1938, М., 1997, с. 27 – 37):

⁵ Նախիջևանի Հիմնահարցը, էջ 9:

⁶ Նույն տեղում, էջ 83:

⁷ См. С. И р а н с к и й, Турецко-персидское соглашение (Заря Востока, 10. III. 1929):

⁸ Ս. Վրացյան, Թուրք-պարսկական սահմանագծը (Դրոշակ, 1929, N 6-7, էջ 126):

⁹ Նույն տեղում:

տեսակետը, սակայն որոշ քողարկումով, ընդունում է նաև Արևելքի կնճռոտ խնդիրներին քաջածանոթ Ս.Իրանսկին, երբ գրում է. «Թուրքիան վարում էր համաթուրքական և խալիֆային քաղաքականություն (ընդգծումն իմն է - Լ.Շ.)»⁹:

Թերևս, որոշ վերապահումով, տվյալ համաձայնությունը և հողաչերտի փոխանակությունը XX դ. 20 - 30-ական թվականների գլոբալ քաղաքականության տեսակետից «ոչ մի նշանակություն չունեն Ռուսաստանի համար», ինչպես հզորակացվում է ժողովածուում¹⁰, սակայն այլ է իրողությունը այսօր Հայաստանի, Իրանի և նույն Ռուսաստանի անվտանգության ու ազդային շահերի տեսակետից: Սրա մասին, մեր կարծիքով, պետք է. որ ասվեր ժողովածուում:

Այդուհանդերձ, արտահայտված նկատառումները, ամենևին էլ չեն նսեմացնում կատարված դրժի շահեկանությունն ու գիտաքաղաքական նշանակությունը:

Լ.Ղ.ՇԻՐԻՆՅԱՆ

Փիլիսոփայական գիտությունների բեկնածու

⁹ Նույն տեղում:

¹⁰ С.Иранский, նշվ. հոդվ.:

¹¹ Տե՛ս Նախիջևանի հիմնադարը, էջ 83: